



## Parturena Parningotan Ari Hamamate Tuhan Jesus

Jumat, 29 Maret 2024 Pukul 10.00 WIB



Tema : Dibungka Jesus Do Di Hita Dalan Na Imbaru Jala Na Mangolu

No.Rek.Huria 106-05-0505050-3

No. Rek.Pembangunan : 106-00-9992222-4

*Terima kasih untuk menon-aktifkan (silent) HP selama beribadah*

### PANGARADEON

1. Parhobas martangiang di parhobasan.
2. Parhobas mandapothon ingananna be (huhut manghuling organ BE. 449:1).

### 01. JOUJOU TU PARSAORAN

U : Hamu angka dongan sahuria, marpungu hita nuaeng di Bagas Joro on laho patupahon parpunguan Parningotan Ari Hamamate ni Tuhan Jesus na gabe hataridaan holong ni roha ni Debata na so halompoan tu hita jolma manisia pardosa. Tongon do angka sahitta diusung Ibana, jala angka pardangolanta diporsan. Ala ni pangalaosionta Ibana tartullang, binahen ni hajahatonta Ibana mabugang. Ampe tu Ibana pinsangpinsang parhitean ni hasonanganta, jala binahen ni bugangNa malum hita.

**H : (Mangendehon) BE. 200 : 4 “Di Surgo Do Alealenta” BL. 106.**

♪♪♪ Humophop hita do tinaonNa na bernit i di Golgata.

Sude dosanta pinorsanNa pasaehon i tu Debata.

Antong tabaen ma Jesus i, tongtong alealenta i.

U : Beta ma hita manungkap marsomba, marsinggang ma hita tu adopan ni Jahowa, Sihophop hita. Marende ma hita!

### 02. Marende BE. HKBP No. 623 : 1 - 3 “TARSILANG HO” BL. 623

♪♪♪ Tarsilang Ho, manobus au, tung longang rohanki.

MudarMu na badia i, manesa dosanki.

... Interlude ...

♪♪♪ Ndang na tarasam balga ni, holong ni rohaMi.

Durus mudarMu Tuhanhi, ala ni dosanki.

... Musik/Jongjong ...

♪♪♪ Hulehon ma Tuhan tu Ho, saluhut diringkon.

Lao mangoloi Ho Tuhanhi, saleleng ngolungki.

### 03. VOTUM – INTROITUS – TANGIANG :

U : Marhitehite Goar ni Debata Ama, dohot Goar ni AnakNa Tuhan Jesus Kristus, dohot Goar ni Tondi Parbadia na tumompa langit dohot tano on. **Amen.** Sintua ni malim sisongon i do tama di hita, na badia, na so jahat, na so marlindang, na so mambolat sian angka pardosa, naung gabe tumimbo sian angka banua ginjang. Na so pola ganup ari songon angka sintua ni malim i mamboan jumolo pelean taringot tu angka dosana sandiri, dung i taringot tu dosa ni natorop i, ai sahali do i diulahon, di na mamelehon diriNa Ibana. **Haleluya!**

**H : (Mangendehon):** *♪♪♪ Haleluya... Haleluya... Haleluya.*

**U : Martangiang ma hita!**

Ale Amanami jala Debatanami! Parasiroha na sumurung do Ho di sude jolma manisia. Nunga dilehon Ho AnakMu, Tuhan Jesus Kristus Tuhannami, manaon haleaon dohot siak ni bagi, pola mate tarsilang, asa malua hami sian gongoman ni sibolis. Sai parrohai ma hami mamingkiri panaonon ni AnakMu, asa maruli hami marhite sian i di hasesaan ni dosa dohot di haluaon sian hamatean paduahalihon, asa dapot hami hangoluan salelenglelengna marhitehite Tuhan Jesus Kristus Tuhannami, Anak haholongan ni rohaM. Amen. ( *Hundul* )

**04. Marende BE. HKBP No. 87 : 1 “HO TINOBUS NI TUHANMU” BL. 91**

*♪♪♪* Ho tinobus ni Tuhanmu, tung jonok do Debatam.

Sai pasada pingkiranmu, asa tong tutu sabam

Sai pabulus, sai patulus tu Tuhanmu ma roham.

**05. P A T I K :**

U : Tangihon hamu (Tatangihon) ma Patik ni Debata di parningotan ari hamamate ni Tuhan Jesus Kristus sadari on tarsurat di **2 Korint. 4 : 10**, “Tongtong do hupausungusung hami di dagingnami hamamate ni Jesus, asa patar di dagingnami nang hangongolu ni Jesus”.

*I do sahatna. Antong, rap mangido gogo ma hita sian Tuhan Debata!*

**U+H : Ale Tuhan Debata sai pargogoi ma hami mangulahon na hombar tu PatikMi. Amen.**

**06. Marende BE. HKBP No. 180 : 1 - 2 “RO TU JESUS HO NA LOJA” BL. 228**

*♪♪♪* Ro tu Jesus ho na loja na maheu i. Lam lubang do di lambungNa rohami.

*... Interlude/Jongjong...*

*♪♪♪* Bereng di hau pinarsilang daon ni sahitmi. Tuhanmi na hona uhum singkatmi.

**07. MANOPOTI DOSA:**

U : **Tatopoti ma dosanta martangiang ma hita!** Ale Amanami jala Debatanami na di banua ginjang. Parasiroha na sumurung mida hami! Huparhatutu jala hutopoti hami do dosa dohot pangalaosionnami na godang i di joloM. Tatap hami marhitehite asi ni rohaM, jala sesa ma dosanami saluhutna, ala ni panghophop ni Anak haholongan ni rohaM, Tuhan Jesus Kristus, Sipangolu hami. Amen.

**Bagabaga ni Debata taringot tu hasesaan ni dosa!** Adong do di hita sintua ni malim na songon i, na hundul di siamun ni habangsa ni hatongamon di banua ginjang. Dibahen i tarbahen Ibana do panguluhon ro di ujungna angka na sandok ro tu Debata marhitehite Ibana; na mangolu do Ibana tongtong, asa ditangianghonnasida. Hasangapon ma di Debata na di ginjang!

**U+H : Amen.**

**(Hundul)**

**08. Marende BE. HKBP No. 88:2+4“JESUS NAUNG MANOBUS AU” BL. 106**

♪♪♪ Tarsolsol bagi do rohangku, paidaida dangolMi  
Marningot sasude dosangku, ai i do na tinaonMi  
Hupuji nasa asiMi, alai gumodang holongMi

... Interlude ...

♪♪♪ Bagas uhirhon tu rohangku pangkophopMi humophop au  
Tusi ma togu pingkiranku, guru di Ho saming ma ahu  
Hupuji nasa asiMi, alai gumodang holongMi.

**09. E P I S T E L:**

U : Tangihon hamu ma Hata ni Debata turpuk Epistel di ari sadari on, tarsurat di **Psalmen 22 : 1 - 6**: Ende sian si David. Ale Debatangku, Debatangku! Boasa tung tadinghononMu ahu? Sai mandaodao do angka hata ni anggukhon sian hatuaonhu.

H : Ale Debatangku, sai joujou do ahu arian, alai ndang mangalusi Ho, jala borngin pe ndang jumpang ahu hasonangan.

U : Alai nabadia do anggo Ho, marhabangсахon angka pujipujian ni Israel.

H : Marhaposan tu Ho do angka ompunami, pos do rohanasida, jadi dipalua Ho do nasida.

U : Tu Ho do nasida mangangguhi, jadi malua ma nasida, marhaposan tu Ho do nasida, jadi ndang tarurak.

*I do sahatna. Martua do angka na tumangihon Hata ni Debata jala na umpeopsa.*

U+ H: *Amen.*

**10. Marende BE. HKBP No. 405 : 1 - 2 “ADONG SADA MUAL” BL. 386**

♪♪♪ Adong sada mual, tung sae uli nii, sombu do disi uas mi.  
Ai manang hajorbit ni sahitmi, na malum luhut na disi.  
Oloi ma joujouNa i, lului mual na uli i.  
Sopola martuhor mual i, porsea, di ho nama i.

... Interlude/Jongjong ...

♪♪♪ Ai manang tu dia mabaor mual i, denggan do panghorhon ni i.  
Sumurung do tumpal sijaloon ni na ro manahui sian i.  
Oloi ma joujouNa i, lului mual na uli i.  
Sopola martuhor mual i, porsea, di ho nama i.

**11. MANGHATINDANGHON HAPORSEAON:**

*(Hundul)*

**12. Boa boa:**

Taingot ma annon ro tu gareja on laho mandohoti Ulaon Na Hohom dohot Ulaon Nabadia. Mulaanta ma Ulaon i masuk pukul 14.00 Wib.

**13. Marende BE. HKBP No. 86:1-3 "SILANG NA BADIA I" BL. 67 (Pelean Ia,Ib)**

♫ Silang na badia i, Ho do lombulombungki  
Maralohon dosa i, dohot pandeleian i  
Di sude sitaonon i Ho ma lombulombungki

... Interlude ...

♫ Nasa na huula i ndang tau hasonanganhi  
Nang ringkot pe rohangki, pola ro nang ilungki  
Holan asi ni rohaM pangurupi o, Tuhan.

... Musik ...

♫ Ro do au nuaeng tu Ho, sai palambas ma rohaM.  
Nunga pola mate Ho, ala asi ni rohaM  
Jangkou au na dangol on, sai ulosi tondingkon.

**14. J A M I T A: Heber 10 : 16 - 25**

**15. Marende BE. HKBP No. 543:1-3 "BUNI BINGKAS NI HOLONG" (Pelean II)**

♫ Buni bingkas ni holong ni Tuhanta i di au.  
Ditobus dohot mudar i pardosa songon au.  
Alai on do na huboto : Ditiop Jesus gomos tanganhu.  
Tondingku do di ramoti, ro di haroroNa i.

... Interlude ...

♫ Buni umbaen boi malum au dihorhon Debata.  
Dibaen na huhaposi Ho di dolok Golgata. Alai on do na hoboto ...

... Musik ...

♫ Buni ulaon ni tondi i patiur rohangki,  
Manaiti au tu Jesushi, sitobus jolma i. Alai on do na huboto ...

**16. Tangiang Pangujung: (Jongjong )**

**Parhobas ari hamamate, 29 Maret 2024**

<b>Parjamita</b>	Pdt. Ramses Manurung, S.Th
<b>Paragenda</b>	Pdt. Agustina Simaremare, S.Th
<b>Persembahan</b>	a. St. dr.Bistok Sihombing, SpPD b. St.Tiurma Elita Saragi,ST,MT c. St.Gidion Siagian d. St.Ir.Alusdin Sinaga e. St.Ir.Sihar Panjaitan,MT f. St.Dra.Purnama Simanjuntak
<b>Di ginjang</b>	St.Dr.Ir.Gerry Silaban,M.Kes St.Ir.Roni Bani Manurung
<b>Penerima Tamu</b>	St.drg.Augustina Sihombing St. Maninta Simanjuntak
<b>Song Leader</b>	Ny.Yetty Silitonga br. Tambunan Ny.Rosita Napitupulu br. Siallagan Gabriella Manurung, SE Putri Manurung, SE Ny.Martha Irene Situmeang br.Tampubolon,S.Si Ridwan Nainggolan
<b>Pemain Musik</b>	Ny.Ir.Artini Manurung br.Marpaung Ny.dr.Winda Surbakti br. Tambun Julio Pardede Herry Simanjuntak,S.Sn Ny.Hotnauli Marpaung br.Manurung,SE

